



ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

ՀՐԱՄԱՆ

№ 26/53 - L « 07 » 02 2024 թ.

«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ՍՈՎՈՐՈՂԻՆ ԷԼԵԿՏՐՈՆԱՅԻՆ ՓՈՍՏԻ ՀԱՍՑԵ ՏՐԱՄԱԴՐԵԼՈՒ ԵՎ ՕԳՏԱԳՈՐԾԵԼՈՒ ԿԱՆՈՆՆԵՐԸ ՀԱՍՏԱՏԵԼՈՒ ՄԱՍԻՆ

Ղեկավարվելով «Երևանի պետական համալսարան» հիմնադրամի (այսուհետ՝ ԵՊՀ) կանոնադրության 57-րդ կետի 10-րդ ենթակետով.

հրամայում եմ

1. Հաստատել «Երևանի պետական համալսարան» հիմնադրամի սովորողին էլեկտրոնային փոստի հասցե տրամադրելու և օգտագործելու կանոնները՝ համաձայն հավելվածի:

2. Սույն հրամանի և կանոնների մասին ծանուցել ԵՊՀ սովորողներին:

ԵՊՀ ՌԵԿՏՈՐ՝

Հ. Կ. ՀՈՎՀԱՆՆԻՍՅԱՆ

Կ Ա Ն Ո Ն Ն Ե Ր

«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ՍՈՎՈՐՈՂԻՆ ԷԼԵԿՏՐՈՆԱՅԻՆ ՓՈՍՏԻ ՀԱՍՑԵԻ ՏՐԱՄԱԴՐՄԱՆ ԵՎ ՕԳՏԱԳՈՐԾՄԱՆ

1. ԸՆԴՀԱՆՈՒՐ ԴՐՈՒՅԹՆԵՐ

1. «Երևանի պետական համալսարան» հիմնադրամի (այսուհետ՝ ԵՊՀ) սովորողին համալսարանական էլեկտրոնային փոստի հասցե (այսուհետ՝ հասցե) տրամադրվում է սովորողների էլեկտրոնային փոստի դոմեյնի (edu.ysu.am) տիրույթում (ծնաչափ՝ anun.azganunxx@edu.ysu.am):

Հասցեն տրամադրվում է ԵՊՀ-ում սովորողի ուսումնառության ողջ ժամանակահատվածի ընթացքում և կասեցվում է (այնուհետև ջնջվում) ուսումնառությունն ավարտելուց հետո:

2. Սույն կանոնների խախտման դեպքում սովորողի հասցեն կարող է կասեցվել:

2. ՀԱՍՑԵԻ ՏՐԱՄԱԴՐՈՒՄԸ

3. Հասցեի մուտքային տվյալները և ժամանակավոր գաղտնաբառն ուղարկվում են սովորողի՝ նախօրոք տրամադրած անձնական էլեկտրոնային փոստին:

Հասցեն (օգտագործողի անվանումը, որը նախորդում է «@edu.ysu.am» հատվածին) գեներացվում է սովորողի անվան և ազգանվան ուղղակի լատինատառ տառադարձմամբ, իսկ համընկնման դեպքում ավեցվում է պայմանական թիվ:

Սովորողը պարտավոր է փոխել գաղտնաբառը (ընտրել այնպիսի գաղտնաբառ, որը բաղկացած կլինի առնվազն 8 նիշից և կպարունակի թվեր, սիմվոլներ և լատիններեն տառեր): Պետք չէ ընտրել օգտագործողի անվան հետ համընկնող կամ պարզ համադրումներից բաղկացած գաղտնաբառ: Անվտանգության նկատառումներից ելնելով անհրաժեշտ է ակտիվացնել նաև երկգործոն նույնականացումը:

Արգելվում է գաղտնաբառի փոխանցումն այլ անձի:

3. Համակարգում տեխնիկական խնդիրներ առաջանալու դեպքում անհրաժեշտ է այլ էլ. փոստից նամակ գրել admin@ysu.am հասցեին կամ մոտենալ ԵՊՀ տեղեկատվական տեխնոլոգիաների վարչություն:

3. ՀԱՍՑԵԻ ՕԳՏԱԳՈՐԾՈՒՄԸ

5. Էլ. փոստի հասցեն ԵՊՀ-ի և սովորողի միջև հաղորդակցության, ինչպես նաև պաշտոնական ծանուցման կապուղի է. ԵՊՀ ստորաբաժանումների կողմից սովորողի էլ. փոստի հասցեին հաղորդագրությունների առաքումը հանդիսանում է պաշտոնական ծանուցում:

6. Սովորողը իր էլ. փոստի հասցեն կարող է օգտագործել ԵՊՀ տեղեկատվական այլ համակարգեր մուտք գործելիս՝ նույնականացման նպատակով:

7. Սովորողը պարտավոր է իրեն տրամադրված էլ. փոստի հասցեն օգտագործել բացառապես կրթական նպատակներով և խուսափել ժամանցային կայքերում դրա օգտագործումից:

8. Հասցեի փոստարկղի ընդհանուր ծավալը 5 GB է: Ուղարկվող և ստացվող նամակներին կցված ֆայլերի ծավալների թողունակությունը կարգավորվում են տվյալ պահին գործածվող համակարգի կարգավորումներով: Բջջային հեռախոսներով հասցեն էլ. փոստի օգտագործման ծրագրային հավելվածում կարգավորելու պարագայում ուսանողներին խորհուրդ է տրվում այդ սարքի բովանդակության պահուստային պատճենումը ԵՊՀ էլ. փոստի պահոցում պահելու գործառույթը չմիացնել, որպեսզի համալսարանական էլ. փոստի սահմանված ծավալը գերազանցելու հետևանքով չարգելափակվի նոր նամակներ ստանալու կամ ուղարկելու հնարավորությունը:

4. ՈՒՍՈՒՄՆԱՌՈՒԹՅՈՒՆՆ ԱՎԱՐՏԱԾ ՍՈՎՈՐՈՂԻ ՀԱՍՑԵԻ ԿԱՍԵՑՈՒՄԸ ԵՎ ՇՐՋԱՆԱՎԱՐՏԻ ՀԱՍՑԵԻ ՏՐԱՄԱԴՐՈՒՄԸ

9. ԵՊՀ-ում ուսումնառությունն ավարտելուց հետո շրջանավարտին տրամադրվում է ԵՊՀ շրջանավարտի էլեկտրոնային փոստի դոմեյնի (@alumni.ysu.am) տիրույթում գրանցվող հասցե (ծեղագրի՝ ուսանողական էլ. փոստի անվանում @alumni.ysu.am),

10. Ուսումնառության ավարտից հետո ուսանողի հասցեն հասանելի է մեկ ամիս ժամկետով, որի միջոցով շրջանավարտին ուղարկվում է @alumni.ysu.am տիրույթում իր էլեկտրոնային փոստի նոր հասցեի մուտքային տվյալները: Ուսանողական փոստում առկա տեղեկատվության տեղափոխում չի կատարվում:

Համապատասխան ծանուցում ստանալուց հետո ուսանողական էլեկտրոնային փոստի հասցեն կասեցվում է և ջնջվում: